

Mud Volapüka

Nüm 10

10 yunul 2016

Pükedavöds netas vola

Spikets Koreyänik

Badiko ven päskaran binon sägik e yagan binon luimik.

No nügoloy ini fil ko sigayeb.

Ün yel klopa gudik pöfikän binon ga pöfädikum.

If efispilolöv vati, täno no ulasumol oni.

If igo sil efañöv donio, ai hog putuvon da kel ukanoy plödikön.

Jimatan rekosilikon ko himatan kel flapom ofi e hetof lümoti okik kel stopof omi.

Igo bleinan ponofon if onunoyöv one das logon defiko.

Ven fon binon klinik täno e vat tö donöp (donio) binon dulongamovik.

Kat neai uvedon bub.

Ün gödalulit tiaf no distinon keli efanädon — kleudani u dogi.

No dredobös deadön, dredobös malädikön.

Cil nelöfik ai fidon lemödiko.

Pidi viudana kanon suemön te viudan (votik).

If no löfiloböv fidi täno degevobös doge, if no löfiloböv meni täno sufälobös.

Klot gudikum binon nulik, flen gudikum binon vönädik.
Dis lampad ot binos dagiko.
If äfaemikoböv ünü dels kil, ün del folid utifob.
Vobobös äsä tor, fidobös äsä mug.
Kö kapenans mödik vobons möns blegik dabinons.
Me namakev bal nemögiko ad plodön.
Läb no tevon kobo bos (nesoeliko), ditret no kömon soeliko.
De sid kügik berjen no udaglofon.
Plü laboböv (bosi) plü vilob.
Väret vina bal binon pö lif gudikum ka väret vina kil pos deadam.
If lög seimik binonöv lunikum täno lög votik binon brefikum.
Pö büil fogik (nelönik) bons binons gretikum.
Maged hiela ‚Buddha‘ sekidon de skulturavan.
Leklär nezesüdiko süvokon tonäri.
Stupan igo pö klot gudik blebon stupan.
Ven spärs dabinonövs mö tums täno kanons fipigön logi tiafa igo.
No sasenoy muskitili me däg.
Trögan lavon oki lunüpo.
Tüvön tikis mena binos fikuliko maä (äsi) numati su könäd voredik
(pifiröböl).
Yegi vetik binos gudikumo ad tovön kobo.
Men miovöl no uvedon kat.
Igo fab jönik onaüton if eliloyöv oni mödikna.
Nuns zifik leliloys büiküno tö vilag.
Doats no kanons binön lunikum ka fut it.
Igo teläds labons doats difik.

Sevols-li, das ...

Bulgarän



1) Bulgarän binon bal länas bädikün Yuropa. Jenav ona primikon sis fin tumyela VII-id.


2) Ven Bulgaränen pendulon kapi okik löpio e donio atos sinifon ‚Nö‘ u das no sion ko bos ud ek. If Bulgaränen pendulon kapi okik detio e nedetio atos sinifon ‚Si‘.

3) Tö Bulgarän kevs plu 4000 dabinons.

4) Bulgarän ünü volakrig telid isavon de sasen yudanis plu 50000 to yulakompenanef ko Deutän nazidik.

5) Bulgarän vemo löfilons kafi. Vobadel in kompenäts mödik primikon me drinam kafa valemik, kel kanon dulön jüä düps tel.

6) Bulgarän binon lomän lunotabunana jiel ,Тереза Маринова'
(,Tereza Marinova').



Lerät

Labob kövis kil bali kelas mutob fifidön. Ini köv alik bled papladon ko lepüks tel. Ini köv bal lepüks bofik binons veratik, ini köv votik lepüks bofik binons dobik ed ini köv retik lepük bal binon veratik e lupük votik binon dobik. Ekö, lepüks at:

Köv balid:

1. Kövi at no zesüdos fifidön.
2. Zesüdo fifidön kövi telid.

Köv telid:

1. No zesüdos fifidön kövi balid.
2. Zesüdo fifidön kövi kilid.

Köv balid:

1. No zesüdos kovi at.
2. Zesüdo fifidön kövi balid.

Kövi kis mutob fifidön?

Tuvedot: in nüm sököl.

Tuvedot leräta se nüm büik:

Disin dalabanas lödadomas at äkonfidon fatüitocödi e klieni ad leod Deutänanas. Ädesirons verätükön stanedi pänota. Fransänans äanolons atosi ed äpladükons boumi po pänot.

Säkis, küpetis e lofotis aliks ä materis e volanuns nitediks kanols lüsedön lü penedabog «komunan@yandex.ru».